

西
藏
記



西

藏

記

撰人未詳

中華書局

叢書集成初編

西 藏 記

中 華 書 局 出 版 發 行

(北京王府井大街三十六號)

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：一 七 〇 一 八 · 一 五 一

西
藏
記

此 據 龍 威 秘 書 本
排 印 初 編 各 叢 書
僅 有 此 本

西藏記上卷

碑文

聖祖仁皇帝御製平定西藏碑文

昔者太祖文皇帝之崇德七年，班禪額爾德尼達賴喇嘛固始罕，謂東土有聖人出，特遣使自人跡不到之區，經仇敵之國，越數年，始達盛京。至今八十載，同行善事，俱爲施主，頗極安寧。後達賴喇嘛之歿，弟巴隱匿不奏者十有六年，任意妄行，拉藏滅之，復興黃教，因而允從拉藏，庫庫腦兒羣衆公同之請，中間策旺阿拉布坦妄生事端，動準噶爾之衆，肆行奸詐，滅達賴喇嘛，並廢第五輩達賴喇嘛之塔，辱踐班禪，毀壞寺廟，殺戮喇嘛，名爲興法，而實滅之。且欲竊據圖伯特國，朕以其所爲非法，爰命皇子爲大將軍王，又遣朕子孫等，調發滿洲、蒙古、綠旗兵各數萬，歷煙瘴之地，士馬安然而至。賊衆三次乘夜盜營，我兵奮勇擊殺，賊皆喪膽遠遁，一矢不發。早定西藏，復興法教，賜令呼必爾罕冊印，卽封爲六輩達賴喇嘛。安置禪榻，撫綏圖伯特僧俗人衆，各復生業。於是文武臣工咸謂王師西討，歷煙瘴險遠之區，曾未半載，輒建殊勳，實從古所未有。而諸蒙古部落及圖伯特酋長亦合詞奏曰：皇帝勇略神武，超越往代，天兵所臨，邪魔掃蕩，復興蒙古，所向遵奉法教，坎康藏衛等部人衆咸得拔離湯火，樂土安居。如此盛德大業，非臣下

頌揚所能宣罄。請賜御製碑文。鐫石召地。以垂永久。朕以何功焉而羣衆動請不已。爰紀斯文。立石西藏。俾中外知達賴喇嘛等三朝恭順之誠。諸部落累世崇奉法教無忽。朕之此舉。所以除逆撫順。綏衆與教。云爾。康熙六十年。

唐碑附

大唐文武孝德皇帝、大蕃聖神贊普、甥舅二主、商議社稷如一、結立大和盟約、永無渝替、神人俱以證知、世世代代、使其稱贊、是以盟大節留傳知於後也、文武孝德皇帝與聖神贊普、德之黎贊陛下二聖、睿哲鴻被、曉之今永、化享矜愍之情、恩覆其無內外、商議叶同、務令萬姓安泰、所思如一、成久遠大治之績、茲觀同心、以伸儕好之義、共成厥美、今番漢二國所守見官封疆、洮岷之東、大唐國界、其塞之西、盡是大番地土、彼此不爲殺敵、不舉兵革、不相侵謀、封疆或有積阻、捉生問事、設給以衣糧放歸、令社稷山川無擾、各敬人神、然舅甥相好之義、苦難每須通傳、彼此相倚、二國常相往來、兩路所差唐差蕃使、並於將軍谷交馬、其洮岷之東、大唐供應、清水縣之西、大番供應、須令甥舅親近之體、使兩界烟塵不聞、同揚盛德之名、類無驚恐之慮、行人撤備、鄉土俱安、禮無相擾之犯、垂恩萬代、則稱羨之聲、遍於日月所照矣、蕃於蕃國受安、漢亦於漢國受樂、茲合其大業耳、各依此盟誓、永不移易、當三寶及諸賢日月星辰之下、且陳形俱爲盟、設此大誓約、如有不依此誓、蕃漢背約破盟者、來其禍殃也、倘傾覆以及動陰謀者、不在破盟之限、蕃漢君臣、並稽首告立、周細爲文、二君之德、萬載稱揚、內外蒙庥、人民咸頌矣、

此碑日久剝蝕字多脫落不在

封爵

西藏地處遠徼。自漢唐以來。難以備考。迨至康熙五十九年定藏後。始封康濟鼐爲貝勒。阿爾布巴爲貝子。隆布鼐爲公。頗羅鼐札爾鼐爲噶隆。雍正三年。封頗羅鼐札薩克爲台吉。雍正五年。阿爾布巴等謀殺康濟鼐。亂藏。雍正六年。天兵誅叛。定藏。七年。頗羅鼐封貝子。總管西藏。八年。封其長子朱爾嗎特策登。併其婿那木札爾色不騰爲輔國公。即康濟之子爲台吉。雍正九年。封頗羅鼐爲多羅貝勒。朱爾嗎特策登爲輔國公。十年。封那木札爾色不騰爲輔國公。封策零汪蓋爾通巴。鐘子三人爲頭等噶隆。十二年。封其次子朱米納木查爾。並其弟諾彥和碩氣。以及達爾札章。陸占巴巴。雜鼐大衍台吉等六人爲札薩克頭等台吉。十三年。諾彥和碩氣卒。頗羅鼐奏請將伊弟色陳哈什哈襲職爲札薩克台吉。旋晉封頗羅鼐爲多羅郡王。其子□□於乾隆十六年謀逆伏誅。其黨叛。奉旨命四川總督策楞。提督公岳鍾琪。往討。逆賊擒獲。後藏地復定。除王爵。

事蹟

西藏一隅。諸鑑多未詳載。考其地卽西吐蕃也。唐曰烏斯國。明曰烏斯藏。今曰圖伯特。又曰唐古忒。居在萬峰之中。爲西方極勝之區。環山拱合。百源匯流。自墨竹工卡而下。統召之南。西瀉。頗得天地之靈脉。布

達拉之飛閣層樓。麗色奪目。別蚌、色拉、甘丹、桑肅、四大寺。拱朝於四方。東與川滇聯界。西北與青海接壤。其北直抵河湟。西通西洋。西南達噶斯。天文井鬼分野。時歲稍寒。物產無幾。地多水泉。土人以爲海眼。春則凍醒而開。夏秋陰雨覺盛。土人分爲三部。曰康。曰衛。曰藏。康者卽今之察木多一路。衛者卽西藏拉撒召一帶。藏者乃後藏札什隆布一帶。此三部皆爲番僧之淵藪。黃教之總匯。其地民人尊尙佛教。敬信喇嘛。所最崇信者。如達賴喇嘛、班禪喇嘛、噶嗎巴、沙嗎納等輩。其他不迷性之呼圖克圖。在在皆有。不能枚舉。爲人所崇奉。信如靈神。欽若活佛。凡所謂呼畢爾汗者。乃係身後知前生之事。人故敬之。然番民風俗鄙污不堪。人皆垢面蓬頭。形類犬羊。無論僧俗。莫不以利是貪。爲上古所不化之地。自唐孝德皇帝以公主下嫁番王。和親之後。始與中國通往來。其國之始爲君者。乃額勒特莽固禮之後。馬克巴之子。納禮藏布。傳數世至蘇隆藏干布。其勢始大。併西蕃地。內附于唐。以公主妻之。而蘇隆藏干布又娶白國王之女爲妾。唐公主好善。修大小二召。並築城于達布拉爲宮室。唐蕃二國分定疆界。設立誓盟。不相侵犯。立碑于大召前。永爲誓約。相傳云昔唐三藏取經。曾履此地。今大召之前廊。尙繪有師徒四衆之像。云豬八戒招親之高老庄爾。卽今之采里。其真其誕。俗傳如斯。自唐而下。宋元之間。其國未聞。明萬歷時。太監楊英至其地。賈勅封楚布寺。葉郎寺之紅帽黑帽呼圖克圖。噶嗎巴、沙嗎納二人爲西天大善自在佛。如來大寶法王。灌頂大國師。賜予印冊。封甲抄楞布氣、褒玉楞布氣二人爲灌頂禪師。至我太宗文皇帝之崇德七年。班禪額爾德尼達賴喇嘛固始汗。咸謂東土有聖人出焉。遣使達盛京。約行善事。歲通貢表。西藏大

召之地。呼爲拉撒。拉撒者華言佛地也。舊有城郭。于康熙六十年。定西將軍護國公策旺諾爾布毀之。改築西南石堤。自東北郎路山脚起。至布達拉對面小山招拉筆洞止。長約三十里。以遏藏江之水勢。今呼爲神堤。每歲正月。聚各寺喇嘛于大召內。念大經畢。令衆喇嘛各增添砌。惟此乃喇嘛一役。俗傳番王蘇隆藏于布。乃觀音菩薩分體之光化生。故常在輪廻。而其本性不昧。曰根敦朱巴。曰根敦姜錯。曰朔納木姜錯。曰雲登姜錯。曰阿旺羅藏姜錯。曰羅進仁進姜錯。相繼轉生。凡六世。皆稱爲達賴喇嘛。而與黃教于西域第五輩達賴喇嘛。入觀世祖章皇帝。勅賜金冊印。封爲統領西天佛教普覺幹濟達賴喇嘛。時有蒙古古什罕。自青海起兵滅藏巴罕。据其地。至其子達彥罕。孫達賴罕。皆敬附中國。後有第巴三節者。專國倡亂。古什罕曾孫拉藏滅之。蒙聖祖仁皇帝褒封。命嗣爲罕。而達賴喇嘛又化生于裏塘地方。名曰噶爾藏嘉慕。青海蒙古稱爲呼必爾罕。蠻人稱爲中凹革桑。姜錯生二歲。青海蒙古搬至西寧之塔爾寺坐床。復爲西方瞻仰。適準噶爾逆賊策旺阿拉布坦。妄自生靈。自伊犁遣其賊將策凌敦多布。領兵攻殺拉藏罕。擄其子蘇爾札。毀滅黃教。荼毒生靈。肆行猖獗。蹂躪藏地。我聖祖仁皇帝天地爲心。以一隅之未靖。慮一夫之失所。特遣將軍額倫特。都統色倫額。革職四川提督康泰。統滿漢官兵。分道勦伐。渡通天河。通天河即烏蘇三敗賊衆。而策凌敦多布分兵遏我糧餉。軍中食盡。將士枵腹。至哈拉烏素。爲賊所困。全軍餓斃。其提督康泰至拉里之西。爲賊僧黑喇嘛誘殺。于是賊衆復逞螳臂。肆其跳梁。燬壞經典。竊踞藏地。聖祖仁皇帝赫然震怒。遣靖逆將軍富寧安。駐兵巴爾庫爾。以分賊勢。爰命皇子允禔爲撫遠大將軍。統帥六師。

駐節西寧調餉徵兵。將塔爾寺之呼必爾罕賜以達賴喇嘛名號。給與冊印。俾其主持黃教。由是遣平逆將軍宗室延信。固原提督馬繼伯。加議政大臣銜。山東登州鎮總兵官李麟等。率領陝甘滿漢官兵。于康熙五十九年夏四月。護送達賴喇嘛。自西寧出口進征。而策凌敦多布猶敢施其故智。三襲我營。俱爲我軍所破。斬獲甚衆。賊帥膽喪。大將軍又遣征西將軍噶爾弼。四川永寧協副將岳鍾琪。爲先鋒。統領川滇楚浙滿漢官兵。由蜀之打箭爐出口。大將軍駐劄木齊烏素。居中調度。秋九月。大兵會于藏。擒巨賊藍占巴。駝駝宰桑黑喇嘛。僞藏王達格咱等。招降逆羽夷衆。于是策凌敦多布計窮力竭。狼狽遁歸。西藏底定。人民奠安。月之十五日。送達賴喇嘛坐床。勅封承教度生達賴喇嘛。將其地土人民賜之。居于布達拉。有御製碑文。鐫石築亭于布達拉之南。以記其事。其康濟甯阿爾布巴。隆布甯。頗羅甯。札爾甯等五人。賜封有差。于大召寺內設立公所。五人會辦西藏大小事務。康濟甯係後藏人。昔爲拉藏罕仲意。因準噶爾犯藏。努力堅守阿里有功。封爲貝勒。管理後藏以西之北一帶地方。並拉藏罕屬下台吉。阿旺雲登都納爾等二十餘人。乃蒙古二千餘住居西藏。均食藏內糧餉。爲達賴喇嘛護衛。遇有兵馬事宜。卽帶此等行走。阿爾布巴係工布人。昔爲噶隆。準噶爾犯藏。堵禦工布口子有功。封爲貝子。管理工布以東一帶地方。兵馬事務。隆布甯係本藏人。昔爲噶隆。因策凌敦多布侵藏。同札爾甯赴木魯烏素。迎接大兵。嚮導有功。封爲公。管理東北一帶地方。兵馬事宜。頗羅甯係後藏人。昔爲拉藏罕仲意。準噶爾犯藏。領兵迎敵。被擄。堅心不降。始封爲一等噶隆。辦理達賴喇嘛商上事務。旋封爲一等台吉。管理後藏札什倫布一帶地方。兵

馬事務。札爾韋係本藏人。昔爲達賴喇嘛蒼儲巴。同隆布韋嚮導有功。授爲噶隆。又封爲一等台吉。管理藏內附近地方兵馬事務。安輯奠定。大兵凱旋。至雍正元年。青海羅卜藏丹津犯順。恐其擾藏。遣松潘鎮總兵官周瑛。領川兵二千餘名。由打箭爐出口。自霍耳。甘孜。一帶。招撫未順番夷。一抵西藏。又遣雲南提督郝玉麟。統領雲貴兵官千餘員名。駐札察木多。以爲聲援。于次年六月。探報羅卜藏丹津遁入藏境之克里野地方。總兵官周瑛選精騎三百。同貝勒康濟。帶番兵萬餘。由楊八景一路。兼程追捕。至噶爾藏骨岔。阻雪回兵。是年。達賴喇嘛。勅封西天大善自在佛。率領天下釋教。達賴喇嘛。予以金冊印。雍正三年。師旋。陞周瑛爲四川提督。于次年春。撫插類烏齊一帶番民。雍正五年。貝子阿爾布巴。公隆布。台吉札爾鼐等。謀殺貝勒康濟。背逆不軌。藏民告變。蒙世宗憲皇帝命內閣學士僧格。副都統馬臘。洮岷協副將顏清如。先馳赴藏。撫綏人民。以安番衆。次年夏四月。特遣都察院左都御史查郎阿爲正帥。護軍統領邁祿。西寧鎮總兵官周開捷。副之。率領永昌協副將馬紀師。神木協副將周起鳳。花馬協副將惠延祖。波羅協副將劉永貴。及參遊各四員。帶領滿漢官兵八千四百餘員名。由西寧出口。命散秩大臣兼鑾儀衛周瑛爲正帥。化林協副將楊大立。夔州協副將張翌。並遊守各四員。領川兵四千餘騎。由霍耳一路。派雲南鶴麗鎮總兵官南天祥。援勦協副將姚起龍。廣羅協副將馮鑾。及遊守各三員。帥漢兵三千名。由昌多一路。三路官兵。尙未抵藏。台吉頗羅鼐。科後藏阿里。札什隆布等處番夷二千餘衆。直搗召地。擒獲阿爾布巴等。大兵到藏。縛獻軍營。左都御史查郎阿等。公同審實。奏其叛跡。于九月晦日。磔阿爾布巴。隆布。鼐。

札爾第等并誅其子。于布達拉之前藏地復安。勅封順羅肅爲貝子。總管西藏事。並議移達賴喇嘛於裏塘。以杜覺端。由是留學士僧格。都統馬臘。前鋒統領邁祿。散秩大臣周瑛。副將馬紀師。並遊守各四員。兼蜀兵二千名。鎮撫其地。察木多留漢兵一千名。派提督張耀祖。劍州協副將姚起龍。遊守各一員。駐劄其地。以作藏兵聲援。是年十一月二十三日。左都御史陸吏部尙書查郎阿。西事鎮總兵周開捷。領官兵五千餘員名。護送達賴喇嘛。自召起程。至裏塘。四川重慶鎮總兵官任國學。帶領兵一千名。接替護衛。大兵卽由裏塘各回本汛。己酉秋。周瑛被劾。回京就訊。派西事鎮總兵官包進忠。頂補周瑛之缺。雍正八年。準噶爾侵犯巴爾庫爾卡倫。駐藏大臣奏准。派學士僧格。總領遊守各三員。兵一千五百名。及唐古忒兵一千名。出防騰古里達木。遇其奔藏之路。復于王樹白兔河。奔卡立馬爾。納克產。生根物角。四處各派千把總一員。帶番漢兵數十名。設卡偵探。每年秋。雪降封山。撤回藏內。是年打箭爐口外之噶達地方。廟工告竣。欽賜匾額曰惠遠廟。達廟。達賴喇嘛移駐焉。裁化林協。于惠遠添協。曰泰寧。除協兵另駐兵千有八百。均爲達賴喇嘛之防護。九年春。總兵官包進忠卒。學士僧格陞蒙古都統。出防騰古里那爾。夏六月。護軍統領青保。大理寺正卿苗壽。泰寧協副將加總兵銜楊大立。領川兵一千五百名。來藏換副都統馬臘。及舊駐藏并臺汛川陝兵一千五百名。於冬月二十日。副都統馬臘統領換回。其駐察木多滇省官兵。亦一例更換。十年春。陞青保蒙古都統。同加總兵銜楊大立。出防騰古里那爾。楊大立旋緣事回京。秋七月。陞青保滿州都統。是年副都統李柱。西寧鎮總兵官周起鳳。四川督標中軍副將張可才。遊守各二員。兵一

千名更換都統僧格。前鋒統領邁祿、永昌協副將馬紀師、舊駐川陝官兵。而副都統李柱至甲寅病故。冬十二月，總兵官周起鳳領兵抵藏。越四日，永昌協副將馬紀師率川陝官兵一千名回汛。十一年春，都統青保、副將張可才出防騰古里那爾。復蒙世宗憲皇帝軫念番民積年勞苦，特命于色拉召之。聞札什地方即今札什城爲西藏糧務駐劄處，另建城垣，留兵五百名，其餘撤回。夏四月，防兵回藏，而京來換防之原任工部尙書副都統馬臚抵召。於是都統僧格、前鋒統領邁祿、副將張可才率領官兵，於七月中旬分撥起程。八月，城工竣，重陽朔四月，官兵移駐札什新城。十二年，都統青保、大理寺正卿苗壽綠事竣解回京，派出接替之散秩大臣伯阿爾珣、副都統那蘇泰。秋八月到藏。阿爾珣卒於是月，其駐劄察木多漢兵全議撤回。汛塘川兵千名內減撤四百，派都司一員統領，移駐察木多。十三年，準噶爾遣使求成，蒙世宗憲皇帝軫念生靈疾勞，允其所請，定界息兵。又以達賴喇嘛久離藏地，令其回召以遂其性，特命果親王至泰寧，賜以筵宴。派副都統福壽、兵部郎中祁山、理藩院郎中拉布坦、四川督標中軍副將張聖學領駐防泰寧官兵五百名。于夏四月護送達賴喇嘛同章嘉呼圖克圖自惠遠起程。七月望二日抵召。越七日，送達賴喇嘛至布達拉坐床。八月二十三日，郎中拉布坦卒。九月二十五日，郎中祁山、副將張聖學帶兵二百五十名，送章嘉呼圖克圖赴後藏。禮班禪喇嘛傳衣授戒。冬至日，事畢回召。十二月朔三日，頒寶世宗憲皇帝遺詔至藏。乾隆元年，章嘉呼圖克圖同齋詔熬茶之侍衛等，帶領副將張聖學併原護送達賴喇嘛來藏之川兵，自藏起程入都矣。

按頗羅雍後封郡王。死。襲其子。至乾隆十六年。謀逆伏誅。其黨叛。殺都統傅清等。奉旨命四川總督公策楞。提督公岳鍾琪。往討。兵至西爐。逆賊爲某擒獲。後藏地復定。永除王爵。

頭目

委用頭人。皆由頗羅雍選擇。亦取才品。首取家道殷實。查郡王之下。設噶隆數人。總管各處事宜。地方設高爵一名。察核境內各項事務。倉儲巴數名。專司錢糧事宜。浪子沙數名。管理刑名。並承辦各項差務。中科爾數名。在大召辦寫文書。票簽戳記事務。紀綱數名。清算賬目。其中科爾。紀綱。半多世職。凡放大小村庄牒巴。皆由此等人內選用。至於出差頭人。名曰谷操。傳事頭人。名曰若尼爾。管理家務頭人。名曰業爾巴。聽差之人。名曰乃興巴。其各地大頭人。名曰牒巴。次曰熱熬。再次曰千布。蒙古之頭人。名曰台吉。曰宰桑。曰那彥。其統領兵馬之官。有五。總之頭人。曰代奔。今西藏一名曰羅藏。達吉工布。一名烏隆奈。後藏一名名班第他至。其次曰甲奔。管兵二百名。再次曰如奔。管兵一百名。曰賴奔。管兵四十五名。曰局奔。管兵十名。又有小頭人曰郭渡。以上所委之牒巴。頭人。管何方。卽徵收其地錢糧。以自食。

朝貢

藏衛地方。乃賞給達賴喇嘛采邑。免其正賦之貢。今達賴喇嘛。頗羅雍爲一班。班禪喇嘛爲一班。各間年

一次遣額爾沁布漢云使臣喇嘛之使又稱堪布頗羅鼐之使又稱羅賓進貢。繕唐古忒字表文。恭請聖安。以伸誠敬。其所進之物。乃藏香。杏。藏果。珊瑚。密蠟珠子。木碗。金絲緞。卡契袖。卡契刀。等物。其木碗有二種。一曰札木札呀。木色微黃。堅潤有細紋。云能辟諸毒。每一個價值十數金。以至數十金者。一曰拉渾爾。木色微黃。花文略大。云亦能辟毒。價亦須數金。

兵制

西藏額設馬兵步兵共六萬四千餘名。內拉撒馬兵三千名。後藏馬兵二千名。阿里馬兵五千名。稞塢馬兵一千名。黨子拉雜浪木錯等處地方黑帳房蒙古共馬兵三千名。阿里並前後藏各處共步兵五萬名。至上陣廝殺。惟蒙古馬兵八百名頗勇。其次阿里。稞塢。工布之兵尙健。其餘之兵差等。派兵之法。於各地方鄉村。抽派或十名或五名不等。出人不馬。出馬不出人。上陣亦穿盔甲。其甲有柳葉。有連環。有鎖子。馬兵盔上。插紅纓一大撮。孔雀尾一枝。帶腰刀。韋袋。背鳥鎗。執長矛。步兵盔上。插雄鷄尾一束。帶腰刀。插順刀。帶弓箭。韋袋。執藤牌。或木牌。其木牌寬約尺五六寸。長三尺一二寸。外用鐵皮包釘。繪虎獸形。以五色羽毛裝飾。帶弓箭。腰刀。巴拿烏鎗者。不執牌。亦有持長矛者。箭以竹爲之。鵬翎鐵簇。簇如錐。長三四寸。其弓木胎角面。身稍俱短小而勁。亦有用竹爲之者。以兩竹片合紮。無稍靶。旗幟分黃紅白黑藍五色。用紬緞布亦爲之。其制長有八九尺至一丈一二尺者。旂頂施纓。各按旂色。若對壘。馬前步後。模糧隨地派。

本兵駐帶。每年於正二三月。亦頗操演。觀其打鎗、射箭、跑馬、跌撲。演畢。以哈達銀錢賞之。以獎其氣。至四月。則派駐各隘口。既資防邊。且兼牧馬也。

邊防

西藏接壤外蕃。界連蒙古。雍正八年。準噶爾侵犯西北兩路軍營。頗羅鼐奏准。夏初冰雪全消。青草萌時。派駐藏大臣一員。綠旗官兵一千五百名。其次子台吉朱米納木查爾。帶拉撒兵一千名。前赴達木。騰古里。那爾地方駐防。派長子輔國公朱爾嗎。特策登。夏初帶蒙古番兵二千名。赴阿里。噶爾渡。魯布克。三處駐防。每年派其弟諾彥和碩氣。赴哈拉烏索。訓練該地馬兵二千餘名。卽統領駐防。約至九月。雪封山徑。撤回休養。次年仍往。又設要卡數處。一玉樹納克書。每年派千總一員。番漢兵各三十名。至白兔河駐劄。一納克產。每年派千總或把總一員。番漢兵各十名。至特布駝洛海偵防。一奔卡立馬爾。每年派千總或把總一員。番漢兵各十名。駐防探哨。一生根物角。每年派千總或把總一員。番漢兵各十名。駐防。亦均於夏初草萌派往。秋深雪降撤回。其附近拉撒口隘。二處。一浪巖。離城五十里。派番漢兵各五六名。一怕爾。離藏二百里。派番漢兵各五六名。此二處專司盤詰往來人等。其他隘口。各就地之衝僻。量設番兵防守。雍正十年。駐藏漢兵二千名內。議撤一千五百名。此後騰古那爾等處。僅番兵駐防矣。

徵調

頗羅鼎未賜印之先。凡有文書。俱用鈐蓋紅色小圖記。番人用唐古忒字。蒙古用蒙古字。行則各遵之。自噶隆以下。皆用黑色圖記。雍正九年。頒給印信。始知用印。然素常亦不用。一切文書書信。字用漢字。小圖章文曰。名旺多羅貝勒記。如徵調兵馬。近則頭目。代奔。催集。遠則文信傳調。若要緊軍情。則用傳旂。以箭一枝。縛白哈達一個。寫由飛遞傳催。依限而到。一無少悞。凡遇大小事務。每日噶隆。牒巴。中科爾。代奔。等齊集大召內白菓廊。公議而行。大事則頗羅鼎亦至。共議然後行之。其文卷三年一清。舊案俱焚不存。

賦役

西藏稅賦。隨其出產。或牛羊柴草豆麥青稞。氈氍毛氈皮張等。或馬奶酥油雞豬野牲菓食金銀銅鐵諸類。酒皆隨所產上納。設有公所。名曰商上。凡所納稅賦。及問罰罪人銀錢。俱存備公用。並喇嘛念經之費。至於土民之服役者。名曰烏拉。凡有生業之人。毋論男女皆派。即他處來者。或僅婦女。但能置立烟灶租房居住者。亦派。多寡各量其貧富不等。其頭目。牒巴。皆派用烏拉。照所居屋大小。派定應需數。或三四名。或十數名。照數輪派烏拉應役。無人則僱窮民代之。或每日每名納銀五分。年過六十免之。遇大差。則派牛馬驢騾。富者應出若干。貧者三四人公攬一頭匹。藏地產馬少。率由霍耳一帶及青海等處來者。價頗昂。即中馬一匹。亦須十七八兩至二十兩。

天時